



Inatsisartunut ilaasortat Siverth K. Heilmann aamma Knud Kristiansen, Atassut.
/ Maani

Sinerissami qanittumi aalisartunut ESU pulje-mik assingusumik pilersitsiniarneq Naalakkersuisut sumut killissimanerannik § 37 malillugu apeqqummut nr. 076-2012-imut akissut.

27. mar 2012
Sagsnr. 2012-063499
Dok. Nr. 862626

Postboks 269

3900 Nuuk

Tlf. (+299) 34 50 00

Fax (+299) 34 63 55

E-mail: apnn@nanoq.gl www.nanoq.gl

Inatsisartut Suleriaasianni § 37 naapertorlugu apeqqutigivasi sinerissami qanittumi aalisartunut ESU pulje-mik assingusumik pilersitsiniarnermi Naalakkersuisut sumut killissimanersut. Apeqqut uannit akineqartussanngorlugu innersuussutigineqarpoq.

1. Naalakkersuisusunut apeqqut:

Sinerissamut qanittumi aalisartut ESU pulje-mik assingusumik pilersitsiniarneq sumut killinnersoq? Suliallu ersarissarneqarnisaa Naalakkersuisunut kissaatigaarput.

Akissut:

Siullarpaamik taassavara Naalakkersuisut arlaleriarlutik Atassummut apeqqutigisarsimammasuk "ESU pulje-mik assingusooq" qanoq isumaqartinneraat. Naalakkersuisut suli tassunga erseqqissaassumik tigusaqarsimangillat. Taamaattoq apeqqutersi ima akissavara:

Naalakkersuisut 2012-imut Aningaasanut Inatsisissatut siunnersuummi, Inatsisartullu akuerisaanni, siunnersuutigaat ukiut sisamat tulliuuttut ingerlaneranni 133 mio. kr.-it sinerissap qanittuani aalisarnermut illikartinneqarssasut. Aningaasaliissutit taakku sine-risap qanittuani aalisartunut periarfissiippat angallammik nutaamik pisinerminni akiata 40%-ia tikillugu tapiissutisinnannissaaminnut. Aningaasaliissutit taakkutaaq atorlugit sinerissap qanittuani aalisartut periarfissaqarput aalisariutimik pisoqalisut isaterneqarnissaannut tapiissutinik pisinnaanissaminnut.

Naalakkersuisut aammattaaq misissorniarpas ESU-mut inatsisit allanngortinneqarsinnaanerata UKA 2012-imut saqqummiunneqarsinnaasoq. Inatsisit allanngortinneqarsinnaanerannut pingaamertut isiginiarneqassalluni akiitsunik isumakkeerfiginnissinnaanissaq, pingaartumik aalisartut utoqqalisut eqqarsaatigalugit.

2. Naalakkersuisusunut apeqqut:

Aalisartutoqarsuit 60-sinik qaqsilaarsimasut, sulilu ukiorpassuarni aalisartut piniartutullu inuussutissarsiorusuttut, inuussutissarsiutigalugu umiatsiaarartaarnissamut soq piffiit ilaanni mattunneqarpat?

Akissut:

Naalakkersuisut aalisartutoqarsuarnut 60-inik qaqsilaarsimasunut inuussutissarsiutigalugu umiatsiaaqqamut tapiissutinik tunisisinnaangillat, Inatsisartut Aalisarnermik piniarnermillu inuussutissarsiutiillit inuussutissarsiomerannik siuarsaaneq pillugu Inatsisartut

peqqussutaat nr. 10, 20. november 2006-immersoq akuersissutigigamikku aalisartunut 60-inik ukioqalereersimasunut periarfissaq taanna atortikkusunngimmassuk, tak. peqqussutip § 6-ia ima allassimasoqartoq:

“Qinnuteqartoq, inuussutissarsiutigalugu nutaamik umiatsiaarartaarniarnermi, § 5 mal-illugu imaassaaq: 1) 18-it 60-illu akornanni ukioqassalluni, aamma 2) tapiiffiqineqarnissamik qinnuteqarni ukiunik marlunnik sioqqullugu inuussutissarsiutigalugu piniartutut aalisartutulluunniit allagarserneqarsimassalluni qinnuteqarnermilu nalaani taama allagartaqartussaaluni.”

Inussiarnersumik inuulluaqqusillunga
Med venlig hilsen

Ane Hansen